



*Համարը N 293-Ն
Տիպը Հրաման
Սկզբնաղբյուրը ՀՀԳՏ 2012.12.17/30(443) Հոդ.312
Ընդունող մարմինը Բնապահպանության նախարար
Ստորագրող մարմինը Բնապահպանության նախարար
Վավերացնող մարմինը
Ուժի մեջ մտնելու ամսաթիվը 27.12.2012*

*Տեսակը Հիմնական
Կարգավիճակը Գործում է
Ընդունման վայրը Երևան
Ընդունման ամսաթիվը 09.11.2012
Ստորագրման ամսաթիվը 09.11.2012
Վավերացման ամսաթիվը
Ուժը կորցնելու ամսաթիվը*

Գապեր այլ փաստաթղթերի հետ

ՀՀ ԲՆԱՊԱՀՊԱՆՈՒԹՅԱՆ ՆԱԽԱՐԱՐԻ ՀՐԱՄԱՆԸ «ԹՈՉԿԱՆ» ԶՐՎԵԺ՝ ԲՆՈՒԹՅԱՆ ՀՈՒՇԱՐՁԱՆԻ ԱՆՁՆԱԳԻՐԸ ՀԱՍՏԱՏԵԼՈՒ ՄԱՍԻՆ

*«Գրանցված է»
ՀՀ արդարադատության
նախարարության կողմից
28 նոյեմբերի 2012 թ.
Պետական գրանցման թիվ 10512421*

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԲՆԱՊԱՀՊԱՆՈՒԹՅԱՆ ՆԱԽԱՐԱՐ

9 նոյեմբերի 2012 թ.
ք. Երևան

N 293-Ն

Հ Ր Ա Մ Ա Ն

«ԹՈՉԿԱՆ» ԶՐՎԵԺ՝ ԲՆՈՒԹՅԱՆ ՀՈՒՇԱՐՁԱՆԻ ԱՆՁՆԱԳԻՐԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Բնության հատուկ պահպանվող տարածքների մասին» Հայաստանի Հանրապետության օրենքի 9-րդ հոդվածի «ը» կետը, ինչպես նաև Հայաստանի Հանրապետության կառավարության 2008 թվականի օգոստոսի 14-ի «Հայաստանի Հանրապետության բնության հուշարձանների ցանկը հաստատելու մասին» N 967-Ն որոշումը.

Հրամայում եմ՝

1. Հաստատել «Թոչկան» ջրվեժ՝ բնության հուշարձանի անձնագիրը՝ համաձայն հավելվածի:
2. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:

Նախարար՝

Ա. Հարությունյան

Հավելված
ՀՀ բնապահպանության նախարարի
2012 թ. նոյեմբերի 9-ի
N 293-Ն հրամանի

Ա Ն Ձ Ն Ա Գ Ի Ր

«ԹՈՉԿԱՆ» ՋՐՎԵԺ» ԲՆՈՒԹՅԱՆ ՀՈՒՇԱՐՁԱՆԻ

1. Դասակարգումը՝

Տիպ՝ Ջրագրական, ենթատիպ՝ Ջրվեժ:

2. Տեղադիրքը և աշխարհագրական կոորդինատները

Գտնվում է ՀՀ Լոռու մարզի Մեծ Պատնի գյուղական համայնքի վարչական սահմանում՝ Շիրակամուտ գյուղական համայնքի վարչական սահմանագծին հարակից, Չիչխան գետի վրա՝ X- 425609,93; Y- 4531683,43*:

Սահմանային կետ	Կոորդինատներ*	
Ա		425675,98
		4531603,8
Բ		425652,89
		4531607,6
Գ		425625,18
		4531632,0
Դ		425568,23
		4531622,8
Ե		425536,92
		4531644,11
Զ		425546,42
		4531692,0
Է		425581,57
		4531715,95
Ը		425619,03
		4531715,6
Թ		425670,34

		4531662,3
--	--	-----------

* Կոորդինատային համակարգը՝ Pulkovo 1942, մետրական ցանցով

3. Ակարագրությունը, չափագրությունը և վիճակը

1) Ջրերի թափման տեղանքը ծածկված է խոշոր ժայռաբեկորներով: Ջրվեժի տարածքը կազմված է միջին էոցենի լյուտեոյան և բարտոնյան հարկերի (մոտ 37-49 մլն տարի առաջ ընկած ժամանակահատված) հրաբխանստվածքային սպարներով (Շիրակի կամ շերտավոր տուֆագենների շերտախումբ՝ տուֆ-ալևրոլիթներ, տուֆ-ավազաքարեր, տուֆախառնաքարեր և կրաքարեր):

2) Ջրվեժի բարձրությունը՝ 1786 մետր ծովի մակարդակից, ջրի շիթի բարձրությունը՝ 23-24 մետր, թափվող ջրերի լայնությունը՝ 3-4 մետր, առավելագույն հոսքը՝ 2,57 խոր. մ/վրկ (մայիս), նվազագույն հոսքը՝ 0,57 խոր.մ/վրկ (դեկտեմբեր):

3) Ջրվեժի տարածքը գտնվում է խիստ երկրաշարժավտանգ տեկտոնական գոտում՝ Փամբակ-Սևան խորքային բեկվածքի (Ախուրյան-Սպիտակ-Վանաձոր-Սևանա լիճ) անմիջական հարևանությամբ: 1988թ. Սպիտակի աղետալի երկրաշարժից հետո, որի էպիկենտրոնը գտնվում էր Շիրակամուտ գյուղի մոտ, ջրվեժը հիմնականում չի տուժել: Բնական վիճակում է, գեղատեսիլ:

4. Սահմանների և պահպանման գոտու նկարագրությունը, մակերեսը, քարտեզ-հատակագիծը

1) Ըստ Հավելված 1-ում ներկայացված սխեմատիկ քարտեզի՝ տարածքի հարավային Ա հանգուցակետը գտնվում է Չիչխան գետի վրա՝ Չիչխան և Գետիկ գետերի հատման կետից 10 մ հյուսիս-արևմուտք: Ա կետից սահմանագիծը (23.4 մ) դեպի արևմուտք բլրի արևելյան լանջով միանում է Բ կետին: Բ կետից սահմանագիծը (36.7 մ) դեպի հյուսիս-արևմուտք միանում է Գ կետին, այնուհետև դեպի արևմուտք՝ 57.5 մ երկարությամբ սահմանագիծը հասնում է Դ կետին: Դ կետից դեպի հյուսիս-արևմուտք սահմանագիծը (38.2 մ) միանում է Ե կետին: Բ-Գ-Դ-Ե սահմանագիծը անցնում է ժայռերի վերին զագաթներով, իսկ սահմանագծից մինչև Չիչխան գետն ընկած տարածքները ամբողջությամբ զառիվեր լանջեր են: Ե կետից սահմանագիծը (78.7 մ) դեպի հյուսիս հատում է Չիչխան գետը, անցնում գետի հանդիպակաց կողմը և միանում Զ կետին, այնուհետև դեպի հյուսիս-արևելք (42.2 մ), գրունտային ճանապարհի եզրով միանում է Է կետին: Է կետից դեպի արևելք սահմանագիծը (37.6 մ) բլրի լանջով միանում է Ը կետին, այնուհետև, թեքվելով դեպի հարավ-արևելք, Չիչխան գետին զուգահեռ (73.7 մ) հասնում է մինչև Թ կետ: Թ կետից իջնելով դեպի հարավ՝ սահմանագիծը (58.6 մ) միանում է Ա հանգուցային կետին:

2) Ըստ Հավելված 2-ում ներկայացված սխեմատիկ քարտեզի՝ պահպանման գոտու ընդհանուր մակերեսը կազմում է 1.0 հա: Պահպանման գոտու սահմանների ընդհանուր երկարությունը՝ 416.6 մ:

3) «Թռչկան» ջրվեժի պահպանման գոտու տարածքից, գետի երկայնքով, մինչև հարևան Շիրակի մարզի Սարալանջ համայնքի վարչական սահմանը, մոտ 1,1 կմ, առանձնացված է 4,4 հա ընդհանուր տարածքով ջրապահպան գոտի:

5. Տվյալներ սեփականատիրոջ և հողօգտագործողի մասին

ՀՀ Լոռու մարզի Մեծ Պատնի գյուղական համայնք: Համայնքային սեփականության արտավայր (հիմք՝ Լոռու մարզի Մեծ Պատնի գյուղական համայնքի հողերի օգտագործման սխեման հաստատելու մասին Հայաստանի Հանրապետության կառավարության 2012թ. հունվարի 19-ի «Հայաստանի Հանրապետության Լոռու մարզի Մեծ Պատնի գյուղական համայնքի հողերի օգտագործման սխեման հաստատելու մասին» N 25-Ն որոշման հավելված):

6. Պահպանության և օգտագործման ռեժիմի առանձնահատկությունները

1) «Բնության հատուկ պահպանվող տարածքների մասին» Հայաստանի Հանրապետության օրենքի 19-րդ հոդվածի համաձայն արգելվում են՝

Ա. Հիդրոտեխնիկական, շինարարական, հատակախորացման, հորատման, պայթեցման աշխատանքները.

Բ. Հողային և բուսական ծածկույթի խախտումները.

Գ. Ծառերի և թփերի հատումները.

Դ. Աղտոտումը.

Ե. Ջրային ռեժիմի խախտումը.

Զ. Բնության հուշարձանի արտաքին տեսքը խաթարող ցանկացած գործունեություն:

2) Թույլատրվում է՝

Ա. Քաղաքացիների հանգիստը.

Բ. Գիտական ուսումնասիրությունները, մոնիթորինգը (այդ թվում՝ քաղաքացիների հանգստի կազմակերպման սպասարկման ծառայությունների մոնիթորինգը).

Գ. Ճանաչողական զբոսաշրջության կազմակերպումը.

Դ. Էկոհամակարգերի հավասարակշռությունը խախտող երևույթներն ու գործընթացները կանխարգելող, ինչպես նաև խախտված էկոհամակարգերի վերականգնման միջոցառումները.

Ե. Վրանների տեղադրումը դրանց համար առանձնացված վայրերում.


Զ. Զբոսաշրջիկների և այցելուների սպասարկման ծառայությունների կազմակերպումը:

7. Տվյալներ պահպանություն իրականացնող սուբյեկտի մասին

ՀՀ Լոռու մարզի Մեծ Պատնի գյուղական համայնք:



Հավելված 1
«Թռչկան» ջրվեժ» բնության հուշարձանի անձնագրի



Հավելված 2
«Թռչկան» ջրվեժ» բնության հուշարձանի անձնագրի

